

四庫全書

集部

欽定四庫全書

文苑英華卷三百九十八

宋 李昉等 編

卿寺三

太常少卿

授韋恒太常少卿制

孫 逖

門下朝議大夫守給事中鄭縣開國男韋恒神清氣爽
識遠心微周才可以求備雅望期於必復自登近密已
積歲年淑慎有恒閑和易退奉常之亞稱職為難宜回

夕拜之榮俾在春官之屬可守太常少卿散官

授李林宗太常少卿制

門下朝議大夫守衛尉少卿上柱國李林宗寡言敏行

清節令名能執謙冲之心以成友悌之美自亞九卿一作

列已淹四歲舉必以類既承拜命之榮恩則由中俾佐

奉常之職可守太常少卿

授陳中師太常少卿制

白居易

勅尚書吏部郎中兼侍御史陳中師早以體要集作物之

文待問之學中鄉里選第甲乙科

集有及字

筮仕立身皆有

本末不背俗以矯迹不趨時以沽名從容中道自致聞

望累踐郎署再參憲司官無卑崇事有

集作無

簡劇如玉

在佩動必有聲為時所稱何用不可朕以立國之本禮

樂為先號令之常

集作今之太常

兼掌其事貳茲職者不亦重

乎歷代迄今謂之清選往服是命行覲

集作行觀一作仲觀

有成

予方急才爾寧久次可太常少卿餘如故

授棟王府司馬崔就太常少卿賜紫制

錢珣

勅暢中發外以應天地之和在夫樂而六樂雅司于奉
常弦工磬師存者尚習具官崔就員足用之學表之以
能文思有畔之農施之於善政失爵之累無機則然乃
非敗名人亦觀過一青之黜數歲方還言念常情得無
所鬱遂以奉常之亞命服之朝欲爾聽六樂之和以平
其氣茲為君道當識予心馭貴之崇亦惟其舊可依前
件

宗正少卿

授李瀚宗正少卿制

常衮

勅銀青光祿大夫前亳州刺史本州團練守捉使上邽
縣開國男李瀚識精於理才辨於政祇服禮訓甄詳事
經振麟趾之芳更隼旗之命馴致其道達於家邦慈惠
之化洽於黎老以親九族乃立貳卿宜一作而叙周文之
昭用毗劉德之任可行宗正少卿散官封如故

光祿少卿

授宋玄爽司膳少卿制

李嶠

勅朝請大夫守司僕少卿宋玄爽藝能詳洽局量優深
踐行不虧歷官著稱叅守僕正以表公勤可兼檢校司
膳少卿餘如故

授張沛司膳少卿制

鸞臺新除齊州刺史張沛禮義高族忠賢令緒才優識
通學敏詞瞻實蘊幹時之具雅懷在公之節絃歌出撫
亟動於謳謠符傳所經必聞於課最允稱衣冠之胄

一作

望是謂廊廟之珍三署為卿九流莫尚宜迴負海之駕

俾登象河之列可

一有同字

司膳少卿主者施行

授李椿光祿少卿制

賈至

門下堂姪守太子家令開國男椿恭儉溫良宗枝擢

一作

特秀敏於從政勤以在公宜換儲闈之職俾居亞卿之任可守光祿少卿同正封賜如故

授張光奇光祿少卿制

勅始安充經畧使張光奇忠肅周敏懷其利用歷試中

外累有能名嶺嶠地遐方隅寄重威懷之政惟爾悉舉

一作九
惟克舉

宜叅榮於卿士俾兼鎮於藩條可兼光祿少卿

如故

授向夢先祿少卿制

勅百里之長九卿之亞叅於軍事職比廷評必舉才能
以匡庶政荆南奏事官守太子僕同正向夢等咸膺推
擢俾在茲任可守先祿少卿同正

授周若冰先祿少卿制

常 袞

勅試王府司馬兼福州都督府別駕守

一作占

闕攝寧海

軍副使賜紫金魚袋周若冰氣識沉和風儀端偉秉心
以正蒞事惟明法以言揚久參朝序頗有聞望洽於縉
紳自佐法方州兼領戎事政術尤著勲勞亦深俾踐亞
卿之列仍兼題輿

一作座

之任可試光祿少卿兼福州都

督府別駕占闕餘如故

授前峽州刺史李授

總目作綬

光祿少卿制

劉崇望

勅近出天屬富有吏能進士已來恪勵無替寬宗正列
狀念夷陵當官公舉何多獎用宜及仍聞罷退曠有歲
時誠曰任能亦既振滯先祿古官也而比朝于今兼掌
尤重是命爾司少其事勉幹古蠲之職無忽裡祀之官
可依前件

授前將作少監趙蠻等先祿少卿制

薛廷珪

勅具官趙蠻等或公卿隸萼或台輔子孫或登史傳之

科或著弦歌之政並從閒罷亟涉光陰振滯掄材各當
遷陟亞于卿寺頒我詔條洎率屬於膠庠一時之茂選
也惟勉思砥礪以應東求大開霄漢之程允屬軒裳之
後苟能自奮可往承之可

衛尉少卿

授鄭孝式衛尉少卿制

蘇頌

黃門朝議大夫守太子率更令鄭孝式早負才幹素聯
姻戚詢事可以樹風聽言可以從政誦戈之任衛戟是

司俾移名於白簡宜亞寵於丹棘可守衛尉少卿散官如故

授李岫衛尉少卿制

孫逖

門下朝議大夫行秘書丞上柱國清水縣開國伯李岫說禮敦詩資忠履孝勵清修而立節包麗則以為文曩者輟務仙臺移官秘府一從閒退七變星霜父在樞衡固守范宣之讓謙冲自牧足鎮於浮躁而進用無黨須歸於至公宜承特命之恩俾踐亞卿之職一作秩可守衛

尉少卿散官勲如故

太僕少卿

授鄭子獻太僕少卿制

勅朝議郎前行

守一作

宗正卿賜紫金魚袋鄭子獻業繼

簪裳地連姻戚早升班序累効忠勤公族之司頃居亞
列太僕之任宜復舊資可守太僕少卿員外置同正員
散官勲如故

授嗣虢王溥等太僕少卿制 元 稹

勅正議大夫行宗正丞嗣號王溥守隨州司馬員外置
同正員李逢等昔我憲宗章武皇帝法堯睦族深惟本
枝乃詔執事曰伯父叔季幼子童孫在屬籍者必命卿
長以才行聞而溥等國族之良雅副茲選糾訓羣僕允
釐王官各率迺誠無替厥職溥可權知太僕少卿逢可
守袁王府長史餘如故

司刑少卿

授杜景佺司刑少卿制

李嶠

鸞臺銀青光祿大夫守秋官尚書上柱國杜景佺薄有
吏能頗閑時務比加獎擢今典樞衡乃輕違憲章私樹
恩福罔懷緘慎屢有洩言朕情在含弘不忍置之嚴憲
五曹顯秩非可濫居九列通班冀當自効可司刑少卿
勲如故主者施行

授徐有功司刑少卿

鸞臺中散大夫行文昌左司郎中東苑縣開國男徐有
功器局弘深文藝優瞻秉節守義直道正辭繩準憲曹

樞機會府咸歸平恕雅有聲績獄吏輕重人咨胥怨天
工推擇朕之所難選衆而居庶乎不濫可守司刑少卿
散官勲如故主者施行

大理少卿

授陸景初大理少卿制

蘇頌

門下朝議大夫守中書舍人上柱國陸景初識悟清真
虛心得妙言符正直獨行隣幾故能儒玄默知文史明
達翔集仙署翻飛禁省而咎繇為理釋之不寃精求上

才欽恤中典宜慎刑法俾聞哀矜可大理少卿散官勲如故主者施行

授崔器大理少卿制

賈至

勅國備其官則庶務理官得其人則善政舉廷尉所以執刑柄御史所以糾不法掖垣崇諫諍之職郎署當草奏之煩皆朕注心東求一作慎擇髦士守保定太守崔器諒直忠肅才行周敏登于清列庶績其凝可守大理少卿

授韋損大理少卿制

常袞

勅銀青光祿大夫前潤州刺史上柱國馮翊縣開國男
韋損識清行理強學自輔服於禮而中節居其業以全
忠一作識一作能有餘階歷頗久京江按部終始六年
勤職惠人風化一變循吏之稱去而益彰天下之平屬
於廷尉乃立其貳方求直清俾之弼教敬爾繇獄可行
大理少卿散官勲封如故

授景延之大理少卿制

勅朝議大夫前守河南少尹騎都尉景延之業擅文儒

行資忠信推令望於公器著能名於吏途久踐周行夙
彰聲實祥刑之地稱職其難任在東序選兼勲舊宜叅
河海之亞俾副朝廷之舉可守大理少卿散官勲如故
授孫乘大理少卿李震宗正少卿等制

薛廷珪

勅具官孫乘等廷尉卿生人之司命也太宗正我族之
本根也貳卿之任昔難其材與夫丞殿省而立朝著聽
其一作於公舉我有人焉以乘等或掌奏大藩或字人劇

邑書檄有聞於記室絃歌多暇於琴堂而昌亦號通材
丞於六尚言從罷秩久於艱難各使立朝仍觀舉職恤
刑庇本勉稱我心可

鴻臚少卿

授李崇鴻臚少卿制

薛廷珪

勅李崇等各以材行來服簪裳或字人著績於封畿或
嗜學見推於流輩大卿寺王官儲宮學省一時茂選爾
往蒞之飭勵有聞陟勸斯在可

司農少卿

授韋玠司農少卿制

蘇頌

黃門正議大夫行太常少卿上柱國薛縣開國男韋玠
勵精正己力行徇公從務表其清白幹時允其文采故
以臺閣褒稱縉紳甄獎盛禮興樂望雖重於執珪八政
一農事尤殷於理粟況洛京轉漕淮海通波宜任牟融
之能遷改鄭莊之弊可兼司農少卿散官勲封如舊仍
分司東都主者施行

授楊先司農少卿制

孫遜

門下朝議大夫守太僕少卿上柱國朱陽縣開國男楊
先精勤從事堅白在公任以器能位於河海出納之愜
朝廷所難宜迴職金之府更膺搜粟之寄可守司農少
卿仍東都留守

授裴藏之司農少卿制

賈至

勅蜀都司馬裴藏之等果行育德忠肅溫良或持憲握
蘭譽流臺省或分憂共理政洽藩條咸在清貫備聞茂

績寇難初息庶尹擇才宜任能於雋選俾分職於中外
可守司農少卿

太府少卿

授蕭晉太府少卿制

門下宮相之位亞卿之職朝廷所精擇必惟其人守西
河太守蕭晉陽城太守嚴向等歷踐中外皆聞政理涉
於艱難尤著誠節宜司長府之劇式備儲闕之選晉可
守太府少卿向可太子左庶子

授侯希超太府少卿制

常 衮

勅正議大夫試太常卿兼左領軍衛將軍上柱國賜紫金魚袋侯希超溫良植性藝業脩身有臨事之幹能彰適時之才用班資久踐職務非親內舉自於元戎正名從於亞列宜成風俗之美俾展多方之効可行太府少卿散官勲賜如故

文苑英華卷三百九十八

欽定四庫全書

集部

文苑英華卷三百九十九至
四百一

詳校官庶吉士臣柳遵祖

助教臣常循覆勘

總校官進士臣朱鈐

校對官中書臣胡紹基

謄錄監生臣李維瀛

欽定四庫全書

文苑英華卷三百九十九

宋 李昉等 編

諸監

秘書監

授張昌宗麟臺監制

李 嶠

鸞臺校理文籍緝宣大典惟國所重非才勿居新除右
散騎常侍中山縣開國男張昌宗鍾鼎盛門珪璋重器
資忠履孝遊藝依仁碩學愬於丘墳高才軼於睢渙姿

澹雅之操無欲無營體撝謙之風不矜不伐每懷五嶽之舉期陟九仙之路雖混濟之量未去朝廷而玄遠之心恒對山水頃立功祠廟欲以致福朕躬嘉其懇誠用增顯秩而有懷難進深懼將備一作滿固辭侍從之班願在優游之地予雲寂寞雅好文詞季長博通堪典經史宜因松柏之性處以蓬萊之山可麟臺監餘如故

授王方慶麟臺監脩國史制 李 嶠

鸞臺芸閣秘文蓬山奧府是為國重尤切帝難銀青光

祿大夫行鳳閣侍郎王方慶鍾鼎高門簪纓舊德學富
古今才優舒向自叅機密亟改涼暄謇諤之風不忘於
獻替謙挹之美屢陳於衰病西垣掌誥雖藉謨猷東觀
屬詞更資通博宜輟鳳凰之省俾緝麒麟之署可麟臺
監仍監脩國史勲封如故主者施行

授馬懷素秘書監制

蘇頌

黃門廼睠文籍填於外府旁求儒雅掌彼中繩左散騎
常侍常山縣開國公仍每日入內侍讀馬懷素有舒向

之風擅東南之美貫穿從學博而多能沈鬱成章麗而有則自朝趨瑣闥日侍金華事必討論言惟潤色故可以發揮秘奧詳覈異同俾微疑荀勗之才更允潘尼之拜可秘書監餘如故主者施行

授蕭昕秘書監等制

賈至

門下圖書之府掌天人之際禮義之柄繫風化之元一作

原為官擇人必舉髦士行禮部侍郎蕭昕文質彬彬學于舊史行給事中韓液恭儉莊敬藏器於身咸有令名

升降朝列正我墳典懋乃直清昕可守秘書監液可守
太常少卿

授王廻質秘書監等制

孫遜

門下守諫議大夫王廻質茂學純行國之耆耄左補闕
常廉清才敏識人之英秀藩維日就實賴於師資軒陛
晨趨有光於侍奉各施於用皆著其勤宜拜藏書之府
俾遷紀言之職廻質可秘書監廉可起居郎

授李惠秘書監制

常袞

勅昔劉向父子代典文籍今之秘室豈曰避親

集作宜避選親

再從叔正議大夫守光祿卿員外置同正員嗣澤王惠
幼嗣藩國夙彰忠孝素風自遠清識彌高傳魯恭之
文稟吳季之知樂早承先顧嘗歷大僚秉彝端潔流問
休茂自合縉紳之望况推宗室之良寧止於敦族以恩
固在於叙賢以位周稱外史晉謂內臺俾領儒官是崇
禮秩可守秘書監餘如故

授許李同秘書監制

白居易

勅大理卿許季同國朝以來有劉德威張文瓘唐臨為大理卿有魏徵虞世南顏師古為秘書監則設官之重得賢之盛人到于今稱之今季同以明慎欽恤理刑獄以文學博雅掌圖籍由廷尉而長祕府論者榮之宜自重其官自遠其道又思與劉張唐魏虞顏為比不亦自多乎可祕書監餘如故

授峽州刺史崔昌遐祕書監制

薛廷珪

勅今之出牧優賢之任也苟昆弟當塗即不敢膺其選
避膏梁而示謙畏者果能行之乘氣焰而苟溫足者或
自便矣具官崔昌遐昔以令季作鎮衡湘願分使符出
守荆楚輟自秘府委之夷陵二天方惠於疲人三入復
蘇於旱歲亟陳章表牢執撝謙以為手足秉鈞固絕饑
寒之患簪纓委地宜均休戚之懷且惜分飛懼妨賢路
操履如是在其一作志不回凡今之人茲用嘉尚况爾踐
揚華顯彬蔚彩章際此脩途資之明識又安敢置爾於

要劇之地煩爾於撝揖之勞者哉眷言三閣實秘九流
簡求常在於清賢臨長必先於儒者矧留虛位允屬僉
諧更增馭貴之榮不改秩宗之任敬承休寵勉務優閑
可正議大夫守秘書監

殿中監

授牛仙客殿中監制

孫逖

門下乃立御府其代天工必在信臣以兼重寄銀青光
祿大夫太僕卿朔方節度兼關內道度支

一作度
下同

兼管

營田鹽池押諸蕃部落副大使兼採訪處置使羣牧都
使監牧度支營內閑廐宮苑五坊等使攝御史大夫上
柱國隴西縣開國子牛仙客忠公有度亮直無私長才
為萬里之城沈畧乃一作是百夫之禦頃持節鉞嘗鎮河
湟兵器惟精邊人咸賴出則靖國方資五利之功入則
訓騶宜修六尚之職可殿中監散官勲並如故

授李拭等宗正卿殿中監制 元 稹

勅殿中監李拭左庶子常乾度等明皇而下其屬未遠

諸王在閣朕得時序其寒溫睿祖

集作宗

而上五十餘族

長幼秩序盡委之於大宗正苟非賢能不敢輕授以爾
拭踐履中外論備古今主宗之盟綽有餘裕而執事者
又曰殿中監總六尚以供名物當進圭進爵之時不可
虛位僉以乾度文學儒素旁通政經執憲南臺挺直不
撓以之代拭允謂其良仍假右貂之冠加之

集作於

宗正

之首朕不能無意於吾屬也拭可檢校左散騎常侍兼
宗正卿乾度可守殿中監餘如故

將作監

授韋湊將作大匠制

蘇頌

黃門職惟共工率以匠石愛力省費為官擇人岐州刺史上柱國彭城縣開國侯韋湊直方在躬孝友成性文學可以比事高明可以應物素風清節已振循良之聲課最當先宜膺述守之任可將作大匠勲封如故主者施行

少府監

授崔諤之少府監制

黃門尚方既設內府為要選衆而求非賢孰與銀青光祿大夫行太府少卿上柱國趙國公崔諤之承名相之軌有忠臣之節正無所詘明無不鑒若披雲霧不雜風塵籍甚才名彬彬文質允茲邦彥尤重時英用符文舉之遷庶叶孟孫之拜可少府監勲封如故主者施行

國子監

授魚朝恩國子監制

常 袞

勅大司成以三德行教國子所以明詩書禮樂之宗立
忠信孝友之本使方領矩步敬業樂羣繫於化成舊選
尤重叅其事任今亦難之開府儀同三司行內侍監兼
充監門衛大將軍觀軍容宣慰處置使仍兼知處置神
策軍兵馬事內飛龍廐內弓箭庫等使兼檢校鴻臚禮
賓上柱國韓國公魚朝恩國之純臣忠以事朕竭誠宣
力義貫神明有兩朝侍從之勤監六師征伐之事雅達
名理叅尚儒玄遠涉源流旁通訓詁自頃右武未遑勤

學方弘闕里之教用誠子衿之詩以其達俎豆之禮嘗
亦委膠庠之事能以德義導其諸生國之俊選其貴遊
子弟摳衣鼓篋歌詠先王之道春誦夏弦服勤師氏之
訓而恭敬退讓抗疏累辭重奪勞謙之志權遂由衷之
請今三千之徒資於學植思卒其業懷之益深用弘儒
風式允公望可兼檢校國子監餘並如故

秘書少監

授李永秘書少監制

勅朝散大夫前守絳州別駕本州團練守捉副使李永慶自相門才推公器武子之德所謂在人玄成之經不忘肄業早從清秩備著聲華頃佐近藩衆稱淹滯俾叅榮於祕府仍貳職於名都可檢校祕書少監兼揚州大都督府司馬散官如故

殿中少監

授高忠良殿中少監制

賈至

門下守司農少卿高忠良植質溫恭持操端慤每恪慎

於公道尤精詳於吏事又有餘地人無間言亞我九卿
既聞條理典斯六尚允謂僉諧可守殿中少監

授杜元逞殿中少監制

蘇頌

黃門銀青光祿大夫行光祿少卿上柱國金城縣開國
子杜元逞久登位事早負聲實擇言以法飾吏以文清
方蘊其素心斷割成其利器用才可任惜太官之滯
備物惟殷當御府之關綜宜膺寵命式副僉選可殿中
少監散官勲封如故主者施行

將作少監

授敬暉營繕少監制

李嶠

勅前中大夫檢校洛陽縣令上柱國平陽縣開國男敬

暉體業敦

一作端

詳識用強濟護衣仙閣已著聲芳製錦

神畿遽聞課績杼人務切棘署名高宜回三善之能令
得百工之任可檢校營繕少監散官勲封如故

授皇甫文侑營繕少監制

鸞臺正議大夫行司刑少卿皇甫文侑早預衣簪累居

清顯恭勤無怠歷職有聲徽纆為官已淹歲序斧斤成
用更佇才能宜輟掌於棘庭俾昇營於梓匠可行營繕
少監散官如故主者施行

授陳正觀將作少監制

蘇頌題

黃門正議大夫前襄州刺史上柱國陳正觀蘊器沈敏
懷才雅實在公有甄綜之能臨事有靖恭之譽頃者荆
岑作鎮楚望班條時許仁明俗稱威惠五材是用百工
分職爰考掄材一作符之績宜膺梓匠之司可行將作少

監散官勲封如故

授王震將作少匠

一作監下同

制賈至

門下壽王府司馬王震立志恒新在公惟恪雍容散地
未愜其才亮采百工宜欽乃職可將作少匠主者施行

授宋渾將作少匠

一作監下同

制孫逖

門下朝議大夫前守諫議大夫上柱國襄國縣開國男
宋渾明敏自然通和足尚一作用承舊德之餘訓有多才
之令名喪制久除朝章式叙宜升髦士之列俾亞匠卿

之任可守將作少匠散官勲封如故

授翟璋將作少監制

門下滑州刺史翟璋等精勤立志果斷雄才有吏道之
能名是郎官之俊選掄材考行用掌百工之事宰邑臨
人佇為四方之則可依前件

授前左贊德任渠將作少匠

一作監制

錢 珣

勅具官任渠丞相進人之請吾嘗觀其所陳或舉淹滯

或稱才用有一於此未嘗不行今言爾在公實踰四紀
同塗之吏達者固多立事之心老而不已俾越下僚之
次以寬暮齒之憂可依前件

少府少監

授李處直少府少監制

蘇頲

門下

一作黃門

中散大夫守將作少監上柱國李處直秉節

清苦用心該密學探羣言文有幽致侍臣對問駁義無
差共工之職豈徒有効宜遷內府俾往中京可少府少

監散官勲如故仍令東都守

一作番

司檢校主者施行

授馬錫少府少監制

常袞

勅中散大夫諫議大夫賜紫金魚袋馬錫躬服禮義處之以厚膺用多才動而濬發歷官有政居必修明擢登諫列屢獻忠讜言皆展意事亦主文勤職且淹以時叙進周之內府漢之尚方典掌服御任當親重輟我侍臣俾其叅貳可守少府少監散官賜如故

授薛伯高少府少監制

勅前澧州刺史薛伯高昔揚洪公孫賀皆以儒術居于少府國朝監寺之列亦稱通顯貳于其長所任非輕以爾伯高早踐臺閣亟頒詔條勞績有聞聲譽不替因其秩罷寔在周行宜以廉潔自居用司所藏之職可守少府少監餘如故

文苑英華卷三百九十九

欽定四庫全書

文苑英華卷四百

宋 李昉等 編

館殿

監官附

史館脩撰

授沈傳師左拾遺史館脩撰制

白居易

勅京兆府鄆縣尉沈傳師庶職之重者其史氏歟歷代以來甚難其選非雄文博學輔之以通識者則無以稱

命今茲命爾其有旨哉昔談之書邈能脩之彪之史固能終之惟爾先父嘗謬建中實錄文質詳略頗得其中爾宜繼前志率前脩無忝爾父之官之職可

授韓愈比部郎中史館修撰制

勅太學博士韓愈學術精博文力雄健立詞措意有班馬之風求之一時甚不易得加以性方道直介然有守不交勢利自致名望可使執簡列為史官記事書法必無所苟仍遷郎位用示褒升可依前件

授考功員外郎鄭璘司勳員外郎盧擇並充史

館脩撰制

薛廷珪

勅具官鄭璘等堯舜禹湯文武之善桀紂幽厲之違非
直筆信史後王莫得而詳也我國家列聖行事亦具書
于史官將以昭示後昆垂訓不朽紀綱專摠於丞相筆
削分任於名儒非夫望藴司南才膺載筆者不當其選
而崇望言爾璘等博聞強識繩直水清四時之和氣襲
人一字之褒貶惟正聞見事典一作業周知故實可以著

不刊之書論司過之史爾宜詳於注記紀乎言動之非
繼彼春秋明乎得失之跡彰善癉惡無忿疾厥心舉直
錯枉無上下其手佇聞稱職當議陟明可

授陸鼎史館知脩撰制

常袞

勅左補闕陸鼎終始于學以致其道先儒未詳多所究

博

一作精究

東南史之遺直補東觀之闕文左右諫曹所宜

迭處鴻都講藝亦在論思可左補闕充史館脩撰

授荀尚史館脩撰制

勅處士荀尚書荀悅並有著書而尚遠承儒史之
業深得述作之意思精大體經通王道慨然一作慷慨論事
來自山東灼見古今之宜熟數理安之冊嘉樂賢俊副
于懷人春秋一字使之潤色結綬京輔進而祿之行成
乎身不患無位可華州下邳縣尉充史館脩撰

校理

授夏侯瞳忠武軍節度副使薛途涇陽尉充集

賢校理等制

杜牧

勅前昭義軍節度判官朝議郎殿中侍御史內供奉夏
侯瞳等瞳以科名詞學開敏多才久遊諸侯常蘊令聞
周知吏理兼能潔身戎臣上言願為毗贊既諾仕以委
質宜直道以酬知途以文行策名節趣一作尚清遠言於
後進實為秀人延閣典校丞相所請勉循階級以至堂
奧可依前件

授蕭孜著作郎裴佑之陝府巡官崔滔櫟陽縣
尉集賢校理等制

勅在春秋時晉為諸侯國也尚立公族大夫教育諸卿
之子富有賢哲不假搜聘召同列而會者三百餘年況
今天覆盡得而禹畫無遺名卿賢相之家清風素範之
族子孫森羅髦雋並作次第叙用豈歎乏才旣使判官
將仕郎守國子監太學博士蕭孜等或以秀異得舉文
學決科或以行實立身遭逢知己皆後生可畏之士為
當時有才之人東觀著述延集作殿閣典校參畫幕府開
導獻納清秋美職二者兼之不由階級安至堂奧勉於

脩慎以俟超昇可依前件

授李毗集賢校理等制

崔 嘏

勅秘書正字集賢校理李毗等披書殿讎校之文秉東
觀鉛黃之筆必選其雄詞擲地敏學通天者而授之爾
等皆以後來之英前達所許人推領袖名於縉紳或荆
山蘊片玉之姿或桂樹擇一枝之秀五常師於中道萬
里視其長途况我台臣監領二職以爾上請是謂得人
宜思結綬之榮各勉分飛之勢推輪覆篲其在茲乎毗

可藍田縣尉充集賢校理澣可興平縣尉直史館

授前京兆府叅軍錢瑀藍田縣尉充集賢校理
鄉貢進士崔昭綿秘書省秘書郎充集賢校

理制

薛廷珪

勅具官錢瑀等儒術可以厚風俗人文可以化天下帝
王興創不能遺之粵我皇祖肇基丕闡茲道反隋氏之
政追孔門之風鼓篋升筵者餘八千人邦寧本固者垂
三百載貽厥冲眇不敢昏迷佐予中興乃眷於是良重

集賢藏書之府故用丞相司之得選官屬將慎廢墜以
珣禮為身幹慎得言樞奉典刑之遺無辱趙氏以昭綿
名冠來籍道絕下交居德行之科不減顏子方設鉛槧
有期丹黃爾宜窮四部之多正五體之別無使我集賢
殿不及漢興之東觀秘書也勉矣哉可

授戶部巡官秘書省校書郎楊玠武功縣尉充

集賢校理制

錢 珣

勅具官楊玠士子由科而進得為館殿吏者俯視華資

如拾地芥然而道不益固名不益彰則朝之華資其可
俯視而拾之哉玠質秀氣實自立頗強窺其所為誠在
於道固名彰之本也今既列書殿仍懷令圖奚患華資
不能俯拾可依前件

授李穀河南府叅軍充集賢校理制

李 礪

勅李穀書府皆以丞相為大學士蓋理化之本在焉而
集賢嘗鄙仙殿之稱時之論者亦以為尤重今太學士

謂爾較儒學賢相之後以進士擢科今典籍散亡編簡
殘缺較紹儒學之業實進士之名儻能討尋質正請使
校羣書焉予嘉而聽之叅軍府庭則序官然耳河南京
兆大何足論噫苟能副太學士之委諫官御史豈恡汝
遷可依前件

太常博士

授陳貞節太常博士制

蘇頌題

勅宣議郎右拾遺內供奉陳貞節卞寶輝先楚材翹秀

窮禮經之奧博踐詞律之風雅叅名列侍每獻昌言掌
事奉常宜銓令典可守太常博士散官如故

授鄭涵等太常博士制

白居易

勅具官鄭涵等並早以文行久從吏職輩流之間頗為
淹滯况雅有學識進脩不已禮官方缺宜當此選凡朝
廷禮制或損益有疑中外謚議或褒貶不決爾為博士
皆得正之所任非輕各敬乃事並可依前件

授蕭峴太常博士制

杜牧

勅禮至則無怨樂至則不爭揖讓而理天下者禮樂是也今國家上法三代下採兩漢質文降殺皆有舊章今命博士非欲草具集作儀法但使提舉考習而已登仕郎守秘書省著作佐郎蕭峴聞爾昆弟之間著友愛之稱復能於知己依投之地竭力報効况乎富有文學默守恬退執一作操心處已不亦多乎爾其為吾折中輕重詳校疑似使祝宗卜史之徒不敢以近習欺爾斯則可矣勉於自強可守太常博士散官如故

授杜濛太常博士制

勅守左拾遺杜濛爾五廟祖常佐太宗同安生人共為
天下者也爾能自以文學策名清時升為諫臣豈曰虛
設如聞同列墻進而不爾容爾亦拜章自陳極詞貢情
乃令微辨盡知其由僉曰爾以齒少有才不能韜晦或
處衆矜已或遇事褊衷言於慎微則亦乖矣仕於清貫
斯豈廢乎考衆惡必察之言微怨不在大之說官移禮
寺跡去掖垣屈既伸眉事亦存體酌此二者頗得中道

況乎職業至重蘊蓄可施無使衆多復有窺測可守太常博士

秘書郎

授衛惲

一作惲

校書郎制

常袞

勅三品子衛惲漢制有任子之令國朝二千石理行尤異者賞亦及之况幼有令聞服於經訓校書集作秘閣文以獎其才可宣義郎試秘書省校書郎

授張籍秘書郎制

元稹

勅張籍傳云王澤竭而詩不作又曰采詩以觀人風斯亦警予之一事也以爾籍雅尚古文不從流俗切磨諷興有助政經而又居貧晏然廢退不競俾任石渠之職思聞木鐸之音可守秘書郎

授王建秘書郎制

白居易

勅太府丞王建太府丞與秘書郎品秩同而祿廩一今所轉移者欲職得宜而才適用也詩人之作麗以則建為文近之矣故其所著章句往往在人口中求之輩流

亦不易得帑藏之吏非爾官也而翔翔書府吟咏秘閣
改命是職不亦可乎可秘書郎

授劉縱秘書郎制

杜牧

勅具官劉縱徒步詣闕上獻封章又自叙其先臣陳許
間事皆歷歷可聽公侯子弟多溺於驕邪爾能讀書學
文自可嘉獎圖籍之府命爾為郎豈惟振滯求能且不
欲使勲勞一作勞能之後栖栖於塵土中也可秘書省秘書郎

著作郎

授崔融著作郎制

李嶠

鸞臺具官崔融長才廣度瞻學多聞詞麗楊班行高曾
史外臺美其方正中省推其良直永言司典尤俟得人
載筆西垣既藉微婉紬文東觀更資博通宜昇著作之
庭兼踐記言之地可著作郎仍兼一作右史內供奉官

授吳兢著作郎制

蘇頌

黃門朝議大夫守諫議大夫上柱國兼脩國史吳兢祇
服言行貫穿典籍蘊良史之才擅巨儒之義頃專筆削

仍侍軒階而官之正名禮不以諱宜著書於麟閣復載

一作通

籍於鴻都可行著作郎兼昭文館學士餘如故主

者施行

授胡皓著作郎

黃門朝議大夫檢校秘書丞兼昭文館學士上柱國胡
皓屬文用思知名最久才清調遠寓興皆新頃掌秘文
佇刊良史宜擢金閨之彥用光石渠之作可行著作郎
餘如故主者施行

授司馬利賓著作郎等制

孫遜

勅朝議郎行秘書省著作佐郎司馬利賓等或富於學業或精於吏能公清為潔已之資詞賦有成名之美舉其同術宜並拜於軒墀甄其異用俾分官於儒館可依前件

祭酒

授楊嶠國子祭酒制

蘇頲

黃門師氏之職訓於胄子儒林之選必俟賢人魏州刺

史上柱國北平縣開國子楊嶠直清莊敬浩素純密伏膺勤業道在其中因心執禮行成於內樹風有循良之課試劇聞精練之能往在東都攝於西序巾卷資其導誘紀綱正其頽弊惟教之立厥聲孔臧俾崇於釋菜逾勸於攻木可國子祭酒勲封如故主者施行

授劉瑗國子祭酒等制

孫 逖

門下名器所歸必徵於才實進用之序亦憑於歲年邠王傳上柱國豐縣開國男劉瑗等備聞素行累踐清資

佩服文儒周旋禮讓劾官惟謹考績皆深以類而遷既有均於平施至公斯在亦何患於後時宜悉虛懷各從分職可依前件

授太僕卿賜紫李涪國子祭酒制

錢 珣

勅右武以來國子失教聖域何遠儒風寔衰今朕考元龜備法駕言旋京師有日矣姑欲開六學之署以教諸生而張吾理道之本思得通四術者以蒞厥職一作具

官李涪以爾受爵素高去朝斯久奉車親重乃以太僕
命之宗籍宿儒時謂非稱擢居雅秩幸得其人以爾蘊
學之優當吾選求之要勉來分職貽我用才可依前件
授前左散騎常侍楊授國子祭酒制

薛廷珪

勅具官楊授乃暎膠庠文學所聚聿求臨長必在通儒
以授洛下高才關西冠籍台庭襲慶士族揚芳守敬器
之不盈蹈黃裳之元吉策名筮仕垂四十年流落栖遲

失竊窮勢所嗟暮齒久困窮途勉當文理之朝蒞乃成
均之職我惟求舊爾往崇儒載推尚齒之恩仍假納言
之任噫隸名之籍今無聞焉丘園之秀為我屬意敬承
休命以振斯文可依前件

司業

授崔挹成均司業制

李 嶠

鸞臺大中大夫使持節博州諸軍事守博州刺史崔挹
懷才抱器悅禮敦詩博究毀陵深窮壞壁秦章漢綬雖

踐吏途魯衣宋冠無輟儒行虎門齒曹蟻術橫經重道
尊師於是乎在宜罷外臺之任俾昇上庠之秩可行成
均司業散官如故主者施行

授鄭誥國子司業制

蘇頲

黃門銀青光祿大夫宋王府長史上柱國襄城縣開國
伯鄭誥純固仁厚溫恭雅實嘗覽墳籍克脩言行玳筵
承寵已叅佐於王門瓊林講藝用周旋於師氏可行國
子司業散官勲封如故主者施行

授裴巨卿國子司業等制 孫逖

門下朝議大夫著作郎裴巨卿厚德馴行性與淳和朝
請大夫殿中丞上柱國張九臯雅量清才體合明允咸
推遠一作達識皆有令名能勵節於朝廷將致美於兄弟

詩書是悅宜當六學之師章奏惟難更擅一臺之妙巨
卿可國子司業九臯可尚書職方郎中散官勲如故

授裴迪太僕卿元錫京兆少尹盧玘國子司業

等制

薛廷珪

勅具官裴迪等天子擢侯府之彥昇諸周行掄材獎勞
斯謂彞制逮于搜索淪滯羽儀膠庠四面取人一時慎
選以迪卿材應聘儒席稱珍以鎬幕畫有聞賓榮具美
以玼華宗輝譽官路流芳各負所長求仲其志而諸侯
之府裨贊是繫驗安劉戴舜之功見難進易退之道太
僕禦侮貳尹優賢司成古官歷代清選唯爾三子來服
訓詞交脩厥官以稱我意可

文苑英華卷四百

欽定四庫全書

文苑英華卷四百一

宋 李昉等 編

環衛一

諸衛上將軍

授張奉國上將軍皇城留守制 元 禎

勅環太微諸星有上將次將之例所以拱衛宸極誰何
不若^句予置上將軍以禦侮率是道也前皇城留守張
奉國謙能養勇明以資忠卑飛翕翼於未擊之前痛心

疾首於見危之際常

一作能

擒狡獪克定妖氛行賞計功

屢昇榮級朕愛其忠厚難以外遷稍移婁胃之間不失
爪牙之任為吾守禁勉爾干城可檢校兵部尚書兼左
衛上將依前充皇城使

授李演左衛上將軍制

白居易

勅王者法鈞陳設環列非勲勤之將信近之臣則何以
久張爪牙轉置肘腋者也具官李演常從德宗皇帝南
蒐于梁籍名功臣謂之定難洎出分戎律入拱宸居內

外周旋不懈于位交戟之下周廬肅然今之轉遷示益
親信移領左廣仍叅夏卿夫八屯之警巡七萃之勤墮

集作

爾為其正盡得察之宜惜前勞無隳乃勅

集作

可

依前件

授韓公武右驍衛上將軍制

勅朝散大夫檢校左散騎常侍兼右金吾衛將軍御史
大夫上柱國賜紫金魚袋韓公武我元老之令子也孝
於家忠於國故出則秉旄鉞入為執金吾寵任益崇謙

敬彌著而勤於夙夜疾癘所侵上陳表章乞就頤養夫

環列之衛

集作衛之列

心膂之臣雖親信之寄則同而勞逸

之間或異宜輟繁重俾從便安可檢校左散騎常侍兼
右驍衛將軍御史大夫散官勲如故

授左衛上將軍滿存特進檢校司徒仍復長城

郡開國公食邑三千戶制 錢 珙

勅昔孟明視荀林父之為將也獲罪于二君或敗以見
囚或歸而請死彼秦穆晉景之為君卒能宥而復用朕

雖涼德寧昧於諸侯之霸者哉具官滿存頃列將壇頗

懷臣節且聞禁暴斯有功能

一作斯甚有經

未嘗敢驕

一作驕矜

欲

保勲績而爾之前事人亦公言幸無爭敵之盟但逼自
焚之勢洎乎連坐得以惟輕懼罪而不懈於心補過而
願陳其力是用徵為環尹兼復疏封載加論道之名俾
重棄瑕之典庶乎有位知我念功可

授寧遠軍節度使蓋寓左武衛上將軍制

前人

勅環衛之設貴同命卿有以大將軍之名加其秩者賞
典彌重具官蓋寓凡天下統帥將佐勤勞每至賞勲鮮
當仗鉞吾以克用事君有偉節匡國有大功而寓預謀
必忠推誠必順致我藩后光于冊書是以特越舊章授
之師律頗能謙讓復願改張得不表以寵休陟居戎列
仍遂再三之請俾圖始卒之心直舉訓辭是為嘉善可
授右威衛上將軍契必璋威衛上將軍制

薛廷珪

勅具官契必璋尚齒酬勞固聞於戎典念功求舊式勸
於後生朕嘗因坐朝周視百辟有峨冠擔珪華髮承弁
鷹揚鶚立於墀廡之上者一旦便殿詢于宰臣且曰衛
將軍璋也夙號良將實著軍功嘗擁節旄兼聞善政自
處之環衛委以腹心闢彼汙萊盡作文王之囿化其士
卒皆為君子之營而耆艾服勤班資不稱積薪之歎達
我聽聞俾昇上將之尊不假三師之貴吾於爾輩無吝
優恩勉服軒裳共致寧謐可

左右衛大將軍

授嗣鄭王希言右衛大將軍制 蘇頲

門下銀青光祿大夫僕卿負外置同正員上柱國嗣鄭王希言才推近屬行稟中和用沈厚以為謀體直方而成器頻升列棘之位嘗踐執金之秩歷官斯久更事逾深必在親賢用膺心膂宜領右軍之寄仍直大將之任可雲麾將軍守右衛大將軍勲封如故

金吾衛大將軍

授烏薄利左金吾衛大將軍制 李 嶠

鸞臺冠軍大將軍行右豹韜衛將軍員外置檢校源頭
州督良鄉縣開國男烏薄利族茂蕃庭位叅朝佐懷恩
慕化守義全忠宜錫殊榮以旌美烈可左金吾衛大將
軍主者施行

授河內高平王重規等大將軍制

鸞臺昔程李二將分領東西之宅周邵兩藩並行南北
之化兼此重務允歸賢戚右金吾衛大將軍兼檢校洛

州長史上柱國河內郡王懿宗司屬卿兼檢校并州長
史上柱國高平王重規並麟趾英髦犬牙良翰承朱紱
之寵命奉_{一作銅}旅_{又作彤}弓之征伐勲藏天府名入史圖或

誰何警巡忘晝夜之倦或敦叙宴翼協親疎之理題輿

河輔而桴鼓希聞別乘汾陽

_{一作洞}

而徃牢不葺勤誠著

於文武美績宣於內外爪牙任切都輦寄深求賢審官
不踰伯叔之國叶心共理佇觀兄弟之政懿宗可左金
吾衛大將軍依舊檢校洛州長史重規可右金吾衛大將

軍依舊檢校并州長史勲封并如故主者施行

授李延昌左金吾衛大將軍制 蘇頲

黃門兵戈之容是憑於師律與馬之飾允屬於徽巡自
匪周才孰當茲任衛尉卿兼檢校左金吾衛大將軍上
柱國李延昌倜儻為用堅剛立誠學優典墳言綜韜略
賈勇聞義則輕於九死好謀盡忠則隱如一敵自膺刺
姦之寵雅叶彈違之務正名不拜何以先於執金教戰
或忘何以勵其投石宜踐迹於中尉俾疇能於亞夫可

右雲麾將軍守左金吾衛大將軍勲封如故仍充朔方
後軍大總管

授王斛斯兼左金吾衛大將軍制

孫逖

門下左羽林大將軍兼范陽大都督府長史充范陽節
度經略度支營田副大使王斛斯推誠勵節好勇能謀
政必有經舉無遺策久鎮幽朔勤修訓練既摧克以制
勝亦懋賞以疇庸而環衛之職金吾尤重宜承後一作優

命以寵中權可守左金吾衛大將軍兼范陽大都督府
長史餘如故

驍衛大將軍

授郭虔瓘右驍衛大將軍等制 蘇頲題

黃門有功必賞勸所以教人立志為邦作程者也雲麾
將軍檢校右驍衛將軍兼北庭都護瀚海軍經略使全
山道副大摠管招慰營田等使上柱國太原縣開國公
郭虔瓘宣威將軍守右驍衛羽翊府中郎將檢校伊川

刺史兼伊吾軍使借紫金魚袋上柱國介休縣開國公郭知運等負將帥之才展熊羆之效義烈忠壯以詢其

謀

一作以詢其誠

智謀勇敢不憊其策項者邊

一作某

庭之際孤

城獨守戎羯困乏歲時圍逼矢石交下金湯自堅護甘漢之所歷懷范羌而莫至獨能宣我王命殫其士力不顧左殷仍於右斷厥功至矣朕甚嘉之宜登絕席之任方感題坐之禮虔瓘可冠軍大將軍右驍衛大將軍知運可雲麾將軍右驍衛將軍餘各如故仍各賜衣一副

并金帶主者施行

授張直方左驍衛大將軍制 杜牧

勅朕據南面之尊制一代之命先謹集作百官之法後

行

集作理

四方之政若有罪不問是倒持大阿有頑不磨

是廢去砥石則拱視天下何以為理雲麾將軍起復檢校刑部尚書兼右羽林軍統軍御史大夫張直方席其先人任為邊將披誠向闕執玉來朝近臣勞郊大匠理第典兵於禁門之內立侍於交戟之中校其寵榮無與

等比而乃每輕法檢恣為遨盪擅去宿衛潛遊異縣有
司問狀持舌不言以至再三姑引慙闕古人有云語人
必於其倫觀過各於其黨念其生自戎族素不鑄琢既
觸法網亦可矜容加膝墜泉予常自慎小懲大誡爾宜
知恩不失將軍之榮仍存兼官之重足得湔洗以俟甄
昇可銀青光祿大夫檢校刑部尚書兼左驍衛大將軍
御史大夫

授前左千牛衛大將軍李鎔右驍衛大將軍右

千牛將軍江繼美加兼檢校右散騎常侍制

錢珣

勅具官李鎔等大將軍之設有以摠勲翊折衝之屬者
有以司禁衛門籍之法者非嚴謹恭愿不可輒居以鎔
處交戟之門有勲可庇嚴而能謹蓋稟於家以繼美當
銜珠之名有勇可使恭而且愿復秉於心咸以美材俾
遷上列兼秩之寵勸善並行可

授劉思謙驍衛大將軍李瓘金吾將軍等制

薛廷珪

勅具官劉思謙等大將軍齊之三公執金吾漢之中尉
或分黃麾坐正殿之前或佩橫刀立天子之側親近寵
貴莫之與京以思謙等昔在艱難不渝風雨克保臣節
能知武經而瓘祖考勲名功格上下副朕基構克勤班
行清修自持儒雅有守朕言念後生進諸多艱朝施勞
於旄鉞莫置位於公侯獨爾寂寥未聞熏灼自待之意
何其偉歟賞延之典茲用歉鬱屬有虛位先求舊人俾

昇喉舌之官以申帶礪之旨爾其服我寵光為吾心腹
侍衛巡警勉於在公佇聞恪居

領軍大將軍

授杜叔良左領軍衛大將軍制 元 稹

勅十二衛大將軍典掌禁旅張皇六師猶藩垣之捧宸
極也為任不細是以出則授以弧矢靖烽燧於邊庭入
則委以爪牙領貔貅於魏闕中外遞用僉謂恩榮前朔
方靈鹽定遠等城節度副大使知節度事觀察處置押

蕃落等使元從奉天定難功臣開府儀同三司檢校工部尚書兼靈州大都督府長史大夫上柱國安定郡王食邑三千戶杜叔良將門之子不墜弓裘頗閱詩書素明韜略頃以五原近寇禦侮才難遂俾毆攘實資毅勇星霜屢換節制斯勤雖不立奇功而無忘慎固尚多毗倚乃命徽巡勉服新恩以彰前効可驃騎大將軍行左領軍衛大將軍元從功臣勲封如故

授前左武衛將軍李儔左領軍衛大將軍前右

監門衛大將軍江繼美左領軍衛大將軍制

錢珣

勅具官李儔等王者之居率先警衛將軍之令必勝戒
嚴儔與繼美皆以絳服青綬常立於西序矣在列甚謹
其勤亦多戎容頗稱於抱材家食且聞其處困故以左
右領軍之命並而進之兼罷秩已來為日斯久咸從遷
陟用舉滯淹可

千牛大將軍

授前威勇軍節度都指揮使楊承襲左千牛衛

大將軍制

勅拊瑟琴者其聲不諧尚或改而張之况軍旅大事利害可論姑務變通且期寧謐具官楊承襲素以材力聞于朝廷皆屬興師乃思致勇而時惟黷武未足經邦每念殘人遂能屈已既從休息何必訓齊爾其罷彼戎機來歸環衛職親任重假寵甚多無懷逆命之謀宜奉徵還之召况叅宿衛亦在促裝可

授牟崇厚右千牛大將軍等制

勅具官牟崇厚等罷行部者入則率執刀之屬以居其
官去宿衛者出則勸賣劍之人以成其政中外迭用典
故甚明崇厚嘗分吾憂知其理之急善有聞也漢蕃能
率爾職戒有備之嚴勤可稱也家食皆久賦祿甚宜勿
墮疑作勿踰疑作以期無咎可

羽林大將軍

授周仁軌左羽林大將軍制
蘇頲

門下周禮命卿六師成務漢圖拜將三傑推才光祿大夫行光祿卿兼檢校并州大都督府長史上柱國汝南郡開國公周仁軌執心剛強臨事果決衛青奉法必讓其功師丹守正每聞其直彼汾之間近胡之備吏人仰化戎虜憚威羽翼任隆爪牙寄重宜光絕席用應題坐可鎮軍大將軍行左羽林衛大將軍兼檢校并州大都督府長史勲封如故主者施行

授薛訥若右羽林軍大將軍制

黃門出師禦寇功成於告捷振旅休兵禮備於刑賞攝
左羽林軍將軍借紫金魚袋薛訥勲閥良將邦家老臣
讀太公之立言受穰苴之為法德業中遽墻仞罕窺智
謀宏遠泉源不竭湏佇公孫之勲頗蠲孟明之罪遂能
長驅隴上深入湟中殲厥犬戎殘其蠱毒野無遺孽朝
有茂勲宜應設壇之寵俾先期門之寄可右羽林大將
軍上柱國河東郡開國公仍賜物三百段銀五百兩錢
二百貫主者施行

授高仙芝右羽林軍大將軍制

門下四鎮經略副使前右羽林軍大將軍員外置同正
員密雲縣開國男賜紫金魚袋上柱國高仙芝素稱驍
悍兼聞智畧久在戎場夙推武用才有所適禮則從權
宜復官資更為邊扞可起復右羽林軍大將軍員外置
同正員

授王士則右羽林大將軍制 白居易

勅羽林所設上法星文軍衛之中號為雄重稱茲選任

不易其人左驍衛將軍王士則勲戚之家義方之子發
身學劍餘力知書早踐班榮累叅環列職近而身彌檢
慎任久而心益恭勤卑以自居勞而無伐況一備禁衛
四為偏將滯於久次宜有超遷集作升俾領上將仍升集作
右廣統良家之騎士訓期門之材官寵任不輕無墮
於事可右羽林大將軍

授前驍衛大將軍劉崇文左羽林大將軍知軍

事等制

錢珣

勅具官劉崇文等漢家揔率禁軍有北軍南軍之號今羽林領軍之職蓋近之矣崇文廷美帝以赴赴之材對濟濟之列稱夫環衛立在西階今復命之俾無遺者勉揚威烈勿怠警巡桂林屬城頗叅戎俗以若納久當官次多達物情分我遠夏資其惠政入居出守各慎所為懸法甚明賞善斯至可

文苑英華卷四百一

欽定四庫全書

集部
文苑英華卷四百二至
四

詳校官無吉士臣柳邁祖

助教臣常循覆勘

總校官進士臣朱 鈐

校對官中書臣胡紹基

謄錄監生臣李維瀛

欽定四庫全書

文苑英華卷四百二

宋 李昉等 編

環衛二

左右衛將軍

授張玄逸右衛將軍制

孫 逖

門下中大夫守光祿寺卿員外置同正員賜紫金魚袋
張玄逸幹蠱於君謙冲自下外姻之旅衆望攸歸寘彼
周行備聞聲實委之環衛尤切腹心宜易位於多疑卿

俾呈能於真將可明威將軍守右衛將軍勲賜如故

授吳王祗衛將軍等制

門下左衛將軍吳王祗等國之近屬朝之多士或同班
警衛有避於天倫或列位周行已淹於歲序各移官命
用廣朝恩可依前件

授駙馬鄭何右衛將軍制

白居易

勅周設七萃漢列八屯皆以拱衛王宮肅嚴徵道統茲
騎吏其屬親賢具官鄭何擢秀士林挺直公器以貞和

陶其性以禮樂文其身善積德門慶連戚里況久踐名
職累著聲猷念舊獎能宜加榮寵環列之尹不易其人
俾宣力於爪牙不失親於肺腑可右衛將軍餘如故

授王知信左衛將軍並史冢右監門衛將軍等

制

杜牧

勅昭武軍校尉前守右驍衛將軍上柱國賜緋魚袋王
知信等古人之為理也不以一眚而掩大功克黃紹子
文之宗霍陽繼博陸之後知信列祖具丘之戰可庇十

代豈止曾孫蒙父伯仲亦効忠懇提絜全魏歸于朝廷

今者寵以將軍旌其舊德豈唯獨舉賞延之典亦欲使

裂土

集作列士

諸將自為孫謀彛鎬明誼入仕已久皆無悔

咎

集作各

故有序遷臨封遠邦蔡毫兵部

一作部

分憂佐理

無忘謹廉可依前件

授王知遠左衛將軍制

錢珙

勅具官王知遠堯之克明周有懿德推恩而舉其有遺
於親戚者乎如得其才匪曰私舉知遠稟訓於父且勵

事君在官不違設爵何慙將軍使爾備宿衛尚書使爾
進秋官且示兼榮則宜竭力報吾推恩之道無所私於
親戚也可

授王知道寧州刺史王知勳右衛將軍制

薛廷珪

勅具官王知道等我有寶臣作鎮邠

一作邠

土伯氏仲氏

鼎峙于列藩乃子乃孫脗合于當代宣彼忠力屏于冲
人方將伏之冀靜紛擾開懷以待有請必俞今復上章

來陳內舉願以屬郡俾知道分憂推其赤心請知勲入
衛言觀爾志式慰我心况聞訓勗甚嚴砥礪甚正既孝
以事父必忠以事君忠孝存焉君父一也良二千石與
大將軍榮爾閨門列吾禁旅並兼揆路仍亞台司吾於
勲賢斯謂臻極唯爾父子享吾恩榮慎圖始終以保富
貴可依前件

左右金吾將軍

授唐先擇左金吾衛將軍等制 蘇頌題

門下右金吾衛將軍唐先擇名公之亂理識通明左金
吾衛將軍呂休琳良將之才智謀深遠雖東西列衛俱
賴其人宗族聯官所宜迴避俾從易位用叶朝恩先擇
可左金吾衛將軍休琳可右金吾衛將軍餘如故

授蓋嘉運兼金吾衛將軍制 孫 逖

門下右威衛將軍兼北庭都護蓋嘉運百夫稱勇萬里
將軍智則有謀忠而能毅頃者狂寇作梗銳師深入用
奇以往決勝而歸式疇其庸言命之賞宜增秩於中尉

仍握兵於外域可左金吾衛將軍兼北庭都護餘如故

授吳湊左金吾將軍制

常 袞

勅將我南軍秩高中尉以禁戎之重任委舅氏之同心
具官吳湊塗山介祉章武雅才言而有宗儉而能廣達
禮樂政刑之要存忠信孝友之誠報虞歷年府寺失職
素以賢賊之望職司太子之家清心奉公庶務悲理擅
美春儲之案流芳秋實之詠固可以首當褒進大勸官
曹俾執金吾用彰貴任可左金吾將軍餘如故

授田盛金吾將軍勾當左街事制

白居易

勅右金吾衛將軍田盛夫仕官至執金吾古今之

集作所

榮重也而盛生勲德門有文武畧居貴介而無佚領誰

何而有勞言念徼巡之勤

集作功

宜乃

集作及

轉遷之命處

左攝事以表用

集作使

能可依前件

授張直方田牟將軍等制 崔 璵

勅統環營於中禁司徼道於右街非節効素彰見義而

鎔銖爵祿威謀夙著宣力而踐更翰垣則何以為我信
臣膺茲寵寄檢校刑部尚書兼左金吾大將軍張直方
沉果知機忠烈繼志承許國之義訓有能軍之勇名豹
變除習俗之風鷹揚多御衆之術自脫屣幽薊奉職警
巡勤固有夙夜之勞謹嚴得誰何之任前天平軍節度
使田牟體懷忠厚氣槩雄邁襲台耀之洪伐振家聲於
勲籍深識戰器之本亟升勇爵之班馬嶺鴈塞嘗絕煙
塵之警西楚東魯每聞輯睦之方而皆早讀父書動合

軍志克隆紹續之業備詳竒正之機是宜委以禁戎為
之禦侮長期門以絕席擁綬騎而式遏俾之重閉斯謂
爾勞題劔弄印仍祇舊服勿替徽問勉承寵光直方可
右龍武將軍牟可右金吾將軍

授陳班右金吾衛將軍制 錢珣

勅具官陳班朕求理未濟厥心匪寧實在庶位之間皆
欲必獲其所况爾克繼勲藉通知武韜許國之誠忘身
靡憚受爵而每期無忝檢身而唯恐有瑕雖東郡符莫

食公廩退居而處沉靜可嘉陟以執金仍兼端右俾承
閥閱且耀寵章可依前件

授高彥弘右金吾衛將軍制

勅具官高彥弘朕每視朝執金吾率其仗衛陳於陛前
退則與大京兆禁暴詰姦以清轂下其職如是非細任
也以爾進在周行常為環尹實於巡警素積勤勞比授
郡符將觀為政屬其節制有所薦聞方資宣力之臣難
奪舉材之請未能出守遂至罷居暫解印於外臺復彈

冠於近列勉思有寵善戒不虞可依前件

左右驍衛將軍

授安金藏右驍衛將軍制

蘇頌

黃門游騎將軍行右武衛翊府中郎將員外置同正員
直太常寺安金藏家本孝悌身全忠懇往在周朝困於
酷吏共誣良善敢謗太皇不任楚毒並加刑憲金藏乃
自刺心肺見其誠節因而寤主實賴斯人則弘演納肝
田光吞舌求之既往未足為喻眷言酬德自可超倫彰

其貞固之美拜以誰何之任可驍衛將軍員外置同正
貲餘如故主者施行

授幽州兵馬使劉悚左驍衛將軍制

白居易

勅具官劉悚夙負氣槩早習騎射才推燕趙之士學究
孫吳之書加以忠厚可當任用況有令弟為吾信臣節
著艱貞情鍾友愛夫寵寄於外莫重於藩垣委任在
集作
於中莫親於禁衛加此一職寵爾二人豈不為榮季出

叔處可左驍衛將軍

授楊約左驍衛將軍并焦敬復左領軍衛將軍

制

錢珣

勅國家之道文武相須故帶綬簪冠而處將軍之位者
必求雄俊之才以對我卿大夫具官楊約智則好謀勇
而知禮臨戎之用以律甚明具官焦敬復蒞事多能理
煩益辦舉其成效可以在庭俾就衛環式貽獎勸使號
令有嚴於宿衛謨明一作威名皆稱於職官副吾雄俊之求

金史卷四十二
以濟相須之道可依前件

左右監門衛將軍

授元環右監門衛將軍制
孫逖

勅右監門衛中郎將元環衣冠濟業言行資身地在通
姻人稱懿戚徵於舊典洽以新恩宜有命於移官更增
榮於賜服可依前件

授趙惠琮左監門衛將軍制

門下中大夫守內侍上柱國賜紫金魚袋趙惠琮素韞

智謀早周慎密

一作早
標周慎

頃令銜命委以臨戎既逾險而

深入亦乘危而苦戰遂清狂寇且振邊威不有賞功將
何勸善宜列爪牙之任仍膺印綬之榮可雲麾將軍守
左監門衛將軍仍兼知內侍省事勲如故

授前左威衛將軍安弘度右監門衛將軍制

錢珣

勅具官安弘度等吾以大柄付丞相日行於堂上唯文
武之士叅用其才耳凡觀公舉亦必可之今具列爾名

來請吾命將軍佐吏循次而遷且稍

疑作稱

所能兼授貴

秩罔有不信徃宜思之可依前件

授吳敬存左監門衛將軍張景球虢州司馬兼

中丞等制

李 璣

勅吳敬存等各以才能効其忠節或誘諭軍帥捍蜂蟻
之師徒或善葺都門壯鳳凰之城闕嘉績既著賞典宜
及將軍職於禁旅司馬兼於憲丞可謂寵榮足以耀於
流輩矣可依前件

左右羽林將軍

授楊敬述右羽林將軍制
蘇頲

黃門瞻彼玄闕衛於丹禁命將擇人制軍為旅雲麾將
軍檢校右羽林將軍上柱國楊敬述心堅鐵石器蘊珪
璋以俊穎之才有溫謙之美附枝中葉則藝極於彫弓
咀實含英則詞殫於綵札自五營高選千廬入侍中而
作訓勤以宣威俾寵誰何正其名秩可右羽林軍將軍
勲封如故

授許輔虔左羽林將軍制

黃門國之武士其盛如林朕之賢臣其貞匪石則可以
制軍而作訓也雲麾將軍檢校右羽林將軍借緋魚袋
上柱國中國公許輔虔方外直內智崇禮卑備聞舊章
好讀前史忠於事主信以庇人未嘗不抗節思齊立言
致遠項除蛇豕之孽特建殊勲洎肅熊羆之旅蓋稱重
器我之所賴爾實命諧必也正名用監中候可左羽林
軍將軍勲封如故

授王斛斯右羽林軍將軍制 孫 遜

門下太中大夫守太僕卿員外置同正員上柱國賜紫
金魚袋王斛斯智謀宏遠識量冲深位列名卿才優良
將頃膺朝寄作捍邊陲惠威有孚羗戎即序念其勤苦
既返旆於西城任以腹心宜典兵於北禁可宣威將軍
守右羽林軍將軍勲賜如故

授彭元昭右羽林軍將軍制

門下中大夫使持節都督洮州諸軍事守洮州刺史同

隴右節度副使上柱國賜紫金魚袋彭元昭久統邊事
咸推武才必也好謀宣唯有勇遞遷中外方表幹能宜
典禁兵以膺重寄可右羽林軍將軍

授于季友羽林軍將軍制 元 稹

勅具官于季友天子六軍必有材官攸飛超乘挽彊之
士在焉董之以威待之以信分八舍之衆寡均二廣之
勞逸不吳不揚不掉不挫皆將軍之令集作命也是以李

大亮上直禁中而文皇甘寢則腹心爪牙之任斯不細

矣以爾季友時予舊姻念往興懷度才思用榮以服色
列于藩垣爾其敬恭無替朕命可守右羽林軍將軍知
軍事仍賜紫金魚袋

授王輔元

集作
元輔

左羽林衛將軍知軍事制

白居易

勅國家設十二衛猶漢之有南北軍而左右羽林尤稱
親重自諸衛而移領者謂之美遷左神武將軍王輔元
生勲閥之家通吏理之事佐戎臨郡率著能名可以掌

金史卷一百一十二
卷四百二
鈞陳而護建章備巡警而嚴羽衛大將軍事假而行之
宜勵初終副茲寵任可依前件

授前右羽林將軍李彥佐服闋重除本官兼御

史中丞知軍事制

勅軍有羽林用法星象統之爪士以供宸居具官李彥
佐前以忠勞選登戎衛而能訓勇力之士以備時使申
誰何之令以奉徼巡夙夜祗嚴不懈于位既終喪紀宜
服官常假中執憲之名行上將軍之事勉修舊職用副

新恩可依前件

授郭簡右衛制置使右羽林將軍制

錢珣

勅環尹之設皆得以親宿衛時警巡而羽林之名自天
垂象有拱宸之貴擇人匪輕具官郭師簡頗負雄材仍
懷勇氣堅秉事君之禮深知用武之權載感時艱因思
已立禦寇而隄防甚謹提兵一作臨戎而號令必行善復流
亡多謀完葺率先陳力誓不去於京師望幸傾心志有

同於父老難能之節臨事始明方資制撫之勤遂假陟
遷之寵宜乘激勸更集功庸猶懸受賞之期重在平戎
之日可依前件

左右武衛將軍

授曹王弼左武將軍

孫 遜

門下行左清道率府曹王弼籍慶宗枝升榮官序頗作

一作

項有公累終非自作曾是黜官亦云累載宜叶睦親之
道俾遷仍舊之職可左武衛將軍勲如故

授郭元昇右武衛將軍等制

門下將作少匠郭元昇忠厚資貞有聞於行守太子家
令鄭繼先衣冠濟業不隕其名各在官次頗淹年序宜
分職於五校俾增榮於兩宮元昇可右武衛將軍守右
衛將軍繼先可右武衛率勲如故

授裴倩在武衛將軍制

門下前守右武衛將軍裴倩韞是忠勇資其智謀久樹
邊功備詳戎事疆場有警方期於効節金革無避宜後

復一作

於奪禮

一作情

可起復守右武衛將軍餘如故

劉泰清左武衛將軍制

元 稹

勅劉泰清文武並用必推其才久次不遷則有昇序以
爾踐更史職星歲頗淹例當酬勞用進常秩奮我武衛
以列周廬斯亦信臣之任也其勤厥職式副予恩可游
擊將軍守左武衛將軍

左右龍武將軍

授齊遵等左龍武將軍制

薛廷珪

勅具官齊遵等官之設所以毓材勸能也苟不當其選
安以假吾所器而滯爾來者今命爾遵謀命爾瑤冠蟬
冕橫佩刀為左右龍武將軍所以昭勲庸之嗣而用其
無瑕者也浩與齊虔久聞罷免各旌勤瘁且振淹滯並
升環衛之嚴俱委腹心之寄用明激勸往服恩榮勉務
進修以圖光大可

左右神武將軍

授姚成節右神武

集作策下同

將軍兼知軍事制

白居易

勅朝請

集作議

郎前使持節成州諸軍事守成州刺史充

本州守捉使賜紫金魚袋姚成節嘗為天平軍裨將當
劉悟之立忠勲也謀成事集爾有助焉雖授一城未足
酬獎况聞信厚勤恪宜於爪牙肘腋間居之昔漢文帝
以宋昌忠勞擢拜將軍使掌環衛今吾用汝猶前心也
環拱之職得不勉歟可致果校尉守右神武將軍知軍
事餘如故

授前千牛衛將軍徐榮右神武將軍兼知軍事

等制

錢珣

勅具官徐榮等陳力諸吏曳長組於西階之下而參將
軍之位者況假地官之秩兼騎省之名仕蓋顯矣惟榮
暨岳皆嘗立朝自効之勤所聞甚著使之遷擢乃用舊
章道隣有勞於公亦宜賦祿郡佐漸優之命勉進爾途
可

左右威衛將軍

起復杜賓客右威衛將軍制 蘇頲

黃門雲麾將軍前檢校左監門衛將軍上柱國杜賓客
志惟倜儻才稱果決聞軀而立特壯三軍之氣奮劍而
前將雄萬人之敵頃在艱罰甫懷忠勇金革是任春秋
所稱俾適權宜用光戎事可起復右威衛將軍勲如故
主者施行

授右千牛衛將軍李璠右威衛將軍制

錢珣

勅具官李璠等朕每據法座命百辟四夷大和會于朝
能率其屬建黃麾飛麟之旗立於陛前者有衛將軍之
盛職也璠以忠謹之職周旋於藩邸之中以久得遷常
為貳金吾矣武弁有列乃命陟居疇以壯勇之材率陳
扈蹕之力以功可進來立於朝既曉玉鈐俾登環衛尚
書之秩光寵並行可

授王存禮左威衛將軍制

勅具官王存禮等朕於文武之士雖用之有殊而覈之

不易以材濟用者是所求也以志立功者是所嘉也至於免官去職寄食屏居言念艱難益多愧歎執政能舉我心允同且以爾等負濟用之良才守立身之素志又復免官寄食安得置而不圖各敬所遷以揚厥職可

文苑英華卷四百二